

Abladiad radioamledd deubegynol endosgopig ar gyfer trin rhwystrau bustlog a achosir gan ganser

23 Mai 2018

Dim ond fel rhan o astudiaeth ymchwil y gellir gwneud y driniaeth hon. Mae hyn am nad oes tystiolaeth ddigonol ynghylch pa mor dda y mae'r driniaeth hon yn gweithio na pha mor ddiogel ydyw.

Gall canser dwythell y bustl neu ganser y pancreas rwystro'r sianelau sy'n cludo suddion treulio o goden y bustl a'r pancreas i'r coluddyn bach. Gall hyn achosi'r clefyd melyn, cyfog, ymchwydd a phoen yn yr abdomen. Yn aml, mae'n cael ei drin drwy osod tiwbiau bach o'r enw stentiau, sy'n helpu i gadw'r sianelau ar agor ac yn draenio'n iawn. Ond mae'r stentiau eu hunain yn gallu cael eu blocio. Mae'r driniaeth hon yn defnyddio ynni gwres i glirio rhwystrau yn y sianelau cyn gosod stentiau, yn ogystal â chlirio stentiau sydd wedi'u blocio.

Gall [NHS Choices](#) fod yn fan da i gael gwybod mwy. Mae gan [ganllawiau triniaethau ymyriadol](#) NICE fwy o wybodaeth am driniaethau a sut rydym yn eu hasesu.

A yw'r driniaeth hon yn addas i mi?

Os cawsoch gynnig y driniaeth hon, dylai eich gweithwyr gofal iechyd proffesiynol drafod yr hyn y mae'n ei olygu, egluro'r astudiaeth ymchwil, a dweud wrthyich am y risgiau a'r manteision. Dylent drafod eich opsiynau gyda chi, a gwrando'n ofalus ar eich barn a'ch pryderon. Gall eich teulu fod yn rhan o'r broses hefyd, os ydych yn dymuno. Dylai hyn oll ddigwydd cyn y byddwch yn cytuno (rhoi cydsyniad) i gael y driniaeth ac i fod yn rhan o'r astudiaeth.

Dylech hefyd gael gwybod sut i gael rhagor o wybodaeth am y driniaeth.
Darllenwch ragor am [wneud penderfyniadau am eich gofal](#).

Rhai cwestiynau i feddwl amdanynt

- Beth yn union yw'r driniaeth hon?
- Beth yw'r manteision posibl? Pa mor debygol ydw i o'u cael?
- Beth yw'r risgiau neu'r sgîl-ffeithiau? Pa mor debygol ydynt?
- Beth fydd yn digwydd os na fydd y driniaeth yn gweithio neu os aiff rhywbeth o'i le?
- Beth fydd yn digwydd os nad wyf eisiau'r driniaeth? A oes triniaethau eraill ar gael?

ISBN 978-1-4731-2951-1